



女科證治準繩

二之一一三

Kitasato Memorial Medical Library



女科證治準繩

一之二


女科
別

n 44

×

Kitasato Memorial Medical Library

F-131



490.9
Jo-3
4

No 3169
R 2144

虛勞
惡寒
容煖
寒煖



富士川文庫
1466

女科證治準繩卷之五

金壇王肯堂輯 門人新安閔承詔校

雜症門上

雜證男女科書多雜病書所遺故存之

虛勞

勞倦所傷用補中益氣湯證治乃暴病也失治而有
發熱潮熱盜汗欬諸證出焉謂之虛勞又復失治
而有皮聚毛落飲食不為肌膚骨髓中熱經閉不行
諸證出焉謂之瘵骨蒸熱至於傳尸之疾別自一種
其源不起於勞飢其流或至於滅門余於雜病首冊
則既條分而備列矣然男以精為主女以血為主其

虛勞一

女科二

致病既殊其施治亦異故應別著方法而陳氏良方分勞瘵骨蒸勞血風勞氣虛風勞冷勞熱勞客熱等門未竟惑亂後人靡所適從今釐正如左醫者更參雜病虛勞傳尸勞二門而用之則無道少之患矣

初病大法

保治婦人虛勞局方中謂首尾六合如大

聖散熟地黃丸是治無熱虛勞也中道藥牡丹煎左空心食前入參荆芥散臨卧食後是治有熱虛勞也戴有病後血虛者有本體血虛者其人往來寒熱或五心發熱言語無力面色痿黃頭目昏暈變生諸疾芎歸湯加羊肉少許或十全大補湯四物湯養榮

湯服之血虛而氣旺者宜抑氣湯即香附末

增損四物湯易簡方

治婦人氣血不足四肢惰怠之

力少氣兼治產後下血過多榮衛虛損陰陽不和

乍寒乍熱易簡方

當歸

川芎

人參

木乾薑炮

甘草炙

白芍藥

各等分

右咬咀每服四錢水壹盞煎至六分去滓熱服

六神湯御藥院方

治脾氣不和榮衛不足怠惰困倦不

嗜飲食服之補養真氣進美飲食充澤肌膚

當歸

熟地黃

白芍藥

川芎

黃耆

地骨皮各等分

右為麤末每服五錢水壹盞半煎至八分去滓空心溫服

加減大建中湯治婦人胎前產後一切虛損月

水不調臍腹疝痛往來寒熱自汗口乾煩渴

芍藥貳兩

當歸

川芎

黃耆

桂各壹兩

甘草炙

白朮各半錢

右為末每服貳錢半水一盞半薑棗煎六分去滓溫服食前

清氣湯普濟

治肌熱骨瘦者陰衰陽盛也是氣弱而

血熱則外蒸肌肉內蒸骨髓煩渴口乾頰赤頭疼飲食無味心神驚悸肢體痠疼或時盜汗或時咳嗽或月家斷絕或經極少俗謂血勞產後曰蓐勞及羸瘦之人與清氣湯羊乳丸治之

紫蘇子

五味子

大腹子

枳殼

桑白皮微炒

菖蒲

地骨皮

白朮

柴胡

秦艽

獨活

乾葛

甘草各等分

右咬咀每服五錢水壹盞入紫蘇七片烏梅壹箇煎至七分温服

黃耆散 一名防風湯 治勞氣食後身疼倦夜間盜汗此

因失血榮衛損也

黃耆 壹兩

白芍藥

防風

當歸

乾地黄 各半錢五分

甘草 半兩

右咬咀每服五錢水壹盞薑叁片棗壹枚煎至七分去滓温服食前

四白散 治男子婦人血虛發熱夜多盜汗不進飲食四肢羸瘦骨節拘攣脚痛不能行

黃耆

厚朴

益智仁

藿香

白朮

白扁豆

陳皮 各壹兩

半夏

白茯苓

人參

白豆蔻仁

天台烏藥

甘草 各半兩

京南芍藥

檀香

沉香 各壹兩

右為細末每服四錢水壹盞薑叁片棗壹箇煎至七分温服

桔梗飲子 良方 治心氣不足解勞倦益血

黃耆

人參

麥門冬

苦梗

甘草 各壹兩

青皮 半兩

右為末每服參錢水壹盞煎至七分溫服

如聖散 良方

治婦人所稟血氣不足不耐寒暑易

冒疾傷月水不調久而心虛狀若心勞四肢倦怠

筋骨少力盜汗易驚或時不寧五心煩熱肌膚不

長間作頭昏飲食無味胸膈不利或產前產後受

病並可服之

北柴胡

白茯苓

甘草

熟地黃

人參

當歸 各壹兩

鼈甲

胡黃連

沉香

知母 各半兩

桑寄生

乾葛 各半兩

右為細末每服貳錢水壹盞烏梅壹个棗貳枚麥

門冬數粒煎至八分服無時

劫勞散 治心腎俱虛勞嗽二二三聲無痰遇夜發熱

熱過即冷時有盜汗四肢倦怠體劣黃瘦飲食減

少夜卧恍惚神氣不寧睡多異夢此藥能治微嗽

有唾唾中有紅線名曰肺痿失治便成羸劣之疾

白芍藥 陸兩

綿黃耆 蜜炙

甘草 炙

人參 去蘆

當歸 洗

半夏 洗

白茯苓 去皮

熟地黃 洗淨

五味子

虛勞五
婦科
五

阿膠各貳兩炒

右咬咀每服參錢水壹盞生薑七片棗參枚煎至九分溫服無時日三

筒骨煎大全良方

治諸虛疾羸瘦乏力腰背引痛心煩喘嗽唾膿嘔血頑涎壅盛睡卧有妨胸滿氣促夜多盜汗髮焦耳鳴皮寒骨熱一切五勞七傷骨蒸等候並皆療治

地骨皮

粉草

北柴胡

前胡

烏藥

麻黃不去節

乾葛

青蒿

苦梗

知母

天仙藤

條黃芩各壹兩

人參

生乾地黃

秦艽

鼈甲

黃耆各半兩

右咬咀每服參錢水壹盞酒壹分豬筒骨壹莖炙焦分為四服苑柳枝各七寸杏仁五粒去皮尖搥碎煎至七分去滓溫服加烏梅半箇尤妙一方

加當歸芍藥

滋血湯

治婦人經候不通或血聚肢體麻木肌熱身重倦怠少力將成勞瘵不可妄行破血宜滋養

潤利見經閉

虛勞六

婦科二

補中丸 余居士選方

治婦人虛損諸疾

白朮

地黃 各壹兩

川芎

白芍藥

當歸

黃耆

人參

陳皮 各半兩

右為細末煉蜜丸如梧桐子大每服五七十九溫水下

溫中丸 昔濟

治衝任虛損血氣虧傷月水斷續來不應期或多或少腹中疝痛不實寒熱煩壅咽燥舌乾心神忪悸頭目眩暈肢體倦怠腰背引痛筋脉拘急帶下赤白飲食進退或發寒熱

生薑 二味各壹兩切碎各研取汁
白芍藥 貳兩
人參 去蘆
琥珀 另研
延胡索 炒
黃耆 蜜炙
烏梅肉 焙各壹兩
麥門冬 去心

生地黄

生薑

地黃 汁炒

白芍藥

人參

蒲黃 炒

當歸 酒洗

琥珀

白茯苓 去皮

黃耆

延胡索

麥門冬

烏梅肉

右為末別用白艾葉壹劬水壹斗煎取濃汁熬成膏和前藥丸如梧桐子大每服五拾丸溫米飲下

空心食前

人參丸 十方便良方

養陰生血補虛

鹿角膠 炒

熟地黄

虛勞 婦科 七

芍藥

當歸

白朮

川芎各等分

右為朱煉蜜丸如梧桐子大每服參拾九空心米

飲下

祕方十補丸

治婦人諸虛百損榮衛不調形體羸

瘦面黃背倦口苦舌乾心忪多汗血衰氣盛寒熱

往來一切血崩帶下墮胎落孕此藥皆治孕婦服

之尤有神効

熟乾地黄

淨洗酒浸蒸過焙乾秤重肆兩

肉蓯蓉

酒浸焙乾

人參

綿黃耆

去蘆蜜炙

川芎

當歸

去蘆酒浸焙

白芍藥

白茯苓

白朮

去蘆洗淨炒各貳兩

肉桂

壹兩去皮

右為細末用好酒調山藥末打糊為丸如梧桐子

大每服六七拾丸食前米湯或溫酒下

五聖丸

調益榮衛滋養氣血治衝任虛損月水不

調臍腹疔痛崩中漏下血痕塊硬發渴疼痛妊娠

宿冷將理失宜胎動不安血下不止及產後乘虛

風寒肉搏惡露不下結生痕聚小腹堅痛時作寒

熱

當歸

川芎

白芍藥

熟乾地黄各壹兩 生乾地黄貳兩

右為細末酒煮麩糊為丸如梧桐子大每服六七拾丸食前溫酒下

七補丸長方便 治婦人氣血虛弱衝任不和腹中經結狀若懷孕月候尚來未分經脈宜服此方

當歸 芍藥 川芎各叁分

白芷 白木 熟地黄

阿膠貳炒各分

右為細末煉蜜丸如梧桐子大每服五六拾丸空心米飲下

羊乳丸 治虛勞羸瘦

秦苑 柴胡 地骨皮

山茱萸肉 黃耆蜜炙 地黄酒浸蒸過各等分

右為末煉蜜丸如梧桐子大每服五拾丸煎人參湯下不拘時候日進三服

人參鼈甲丸普濟 治婦人一切虛損肌肉瘦瘠盜汗

心忪咳嗽上氣經脈不調或作寒熱不思飲食

杏仁湯浸去皮尖炒 人參 當歸

赤芍藥 甘草炙 柴胡

桔梗去蘆各壹兩 地骨皮 宣黃連去鬚

虛勞丸 婦人諸虛 木香 各半

胡黃連 各半 錢半 肉桂 去麤皮 木香 各半

麝香 另研 半錢 鼈甲 壹枚 重貳兩 者醋炙黃色

右為細末用青蒿壹觔研爛絞汁童子小便五升酒五升同熬至貳升次入真酥參兩白沙蜜參兩再熬成膏冷方下衆藥末搜和令勻丸如梧桐子大每服五十九溫酒送下無時

艾煎丸 治婦人諸虛 大當歸 各貳兩 香附子 肆兩

北艾葉 大當歸 各貳兩 香附子 肆兩

右醋煮半日焙乾為末再用醋煮糊丸艾醋湯下

莖味丸 補虛敗

黃耆 肆兩 鹽水 北五味 貳兩

右為末秫米糊丸空心鹽酒下

無熱虛勞 大婦人冷勞屬血氣不足臟腑虛寒以致

臍下冷痛手足時寒月經失常飲食不消或時嘔吐惡寒發熱骨節痠疼肌膚羸瘦面色痿黃也薛前證有內外真寒然有內外真熱亦有內真熱而外假寒者又有內真寒而外假熱者若飲食難化大便不實腸鳴腹痛飲食畏寒手足逆冷面黃嘔吐畏見風寒此內外真寒之證也宜用附子理中湯以回陽入味地黃丸以壯火若飲食如常大便堅實胸腹痞脹

飲食喜冷手足煩熱面赤嘔吐不畏風寒此內外真熱之證也宜用黃連解毒湯以消陰六味丸以壯水若飲食如常大便堅實胸腹痞脹飲食喜寒手足逆冷面黃嘔吐畏見風寒此內真熱而外假寒也亦用解毒湯六味丸若飲食少思大便不實吞酸噯氣胸腹痞滿手足逆冷面赤嘔吐畏見風寒此內真寒而外假熱也亦用附子理中湯與八味丸當求其屬而治之經曰益火之源以消陰翳壯水之主以制陽光使不知真水火之不足泛以寒熱藥治之則舊疾未去新病復生矣夫所謂屬者猶主也謂心腎也求其

屬也者言水火不足而求之於心腎也火之源者陽氣之根即心是也水之主者陰氣之根即腎是也非謂火為心原為肝水為腎主為肺也一婦食少作嘔口吐痰涎面黃腹痛月經不調手足逆冷此內外俱寒之證以六君加附子木香治之而愈一婦忽嘔吐酸水內熱作渴飲食不進惟喜冷水面色青赤投之以藥入口即吐此內外真熱之證積十餘日以黃連一味煎湯飲之徐加白朮茯苓仍加陳皮當歸炙甘草至月餘始進米飲稀粥調理而愈一婦內熱作渴大便秘結畏惡風寒手足逆冷此內真熱而

外假寒先用黃連解毒湯後用六味丸而瘳一婦
初患痰喘熱渴醫以降火散氣治之肌日削而氣日
索延至甲辰木旺痰盛身熱口腐腹脹神昏絕食幾
死此虛熱無火投以壯水生土之劑隨服隨效越數
歲夏初坐則頭墜不能起視卧則背冷覺風透體煩
熱暈眩咳嘔痰湧手足麻冷此內真寒外假熱之證
也遂以大補薑附之劑投之不三四服而太勢已平
仍以前藥加減而瘳韓懋治其嫂年三十餘十八
胎九殞八天會家難作驚憂過甚遂昏昏不省人事
口唇舌皆瘡或至封喉下部虛脫白帶如注如此四

十餘日或時少甦至欲自縊悲不能堪醫或投涼劑
解其上則下部疾愈甚或投熱劑及以湯藥熏蒸其
下則熱暈欲絕此亡陽證也急以鹽煮大附子九錢
為君制以薄荷防風佐以薑桂芎歸之屬水煎入井
水冷與之未盡劑甦睡通宵覺即能識人或曰此何
謂也曰方書有之假對假真對真爾上乃假熱故以
假冷之藥從之下乃真冷故以真熱之藥反之斯上
下和而病解矣繼以女金丹錯綜以三三方不但去
其疾且調治元氣無何連生三子以上論及治驗有
無當於虛勞者而
實治寒熱變通之
大法不可不察也

局大聖散 治婦人血海虛冷久無子息及產後敗
 血衝心中風口噤子死腹中攣開口灌藥須臾生
 下便得無恙治墮胎腹中攻刺疼痛橫生逆產胎
 衣不下血運血癖血滯血崩血入四肢應血藏有
 患及諸種風氣或傷寒吐逆欬寒熱往來遍身
 生瘡頭痛惡心經脈不調赤白帶下乳生惡氣胎
 藏虛冷數曾墮胎崩中不定因此成疾室女經脈
 不通並宜服之常服煖子宮和血氣悅顏色退風
 冷消除萬病兼療丈夫五勞七傷虛損等病
 澤蘭葉 石膏 卷栢

白茯苓 去皮 防風 去蘆
 細辛 去苗 栢子仁 微炒
 吳茱萸 湯洗七次焙 藁本 去苗
 人參 白芷
 川椒 去目閉口者 微炒出汗
 黃耆 去苗 川烏 炮去皮臍
 蕪荑 微炒 甘草 炙
 芍藥 當歸 各壹兩
 阿膠 碎炒燥 肉桂 壹兩
 右為細末每服貳錢空心臨卧熱酒調下若急疾
 厚朴 去蘆皮 桔梗
 五味子 揀淨 乾薑 炮
 白木 丹參 各叁分
 川芎 白薇
 生乾地黄 壹兩

有患不拘時候日三服

渾身碎痛飲子 治婦人勞倦

虎骨 伍錢

防風

藁本

甘草

白芷

茯苓 各貳錢

當歸

芍藥

續斷

白朮

附子 各貳錢

右為麤末薑棗煎服不拘時

十全大補湯治婦人冷勞最妙方見雜病虛勞

當歸木香湯 治婦人血氣虛勞令人頭目昏眩語聲沉重舌根強硬言語蹇澀口苦不食白日困睡

夜有虛汗神思恍惚夢寢驚悸面色痿黃頻發喘嗽遍身疼痛脚氣走注四肢沉重背脚拘急時發寒熱五心煩躁唇乾多渴胸膈不利咽喉噎塞疝羸瘦弱經曰太脉為勞宜服

當歸

青皮

五加皮

海桐皮

陳皮

丁皮

桑白皮

地骨皮

牡丹皮

麻棕櫚皮

燒存性 各壹兩

赤芍藥

木香 各半兩

右為末每服壹錢水壹盞入香油壹貳點古錢壹文洗同煎至七分不拘時溫服

熟乾地黄丸 方見前 通治門

木香丸 治婦人冷勞經脈不調臟腑氣滯四肢疼

痛飲食無味漸加羸瘦

木香 琥珀 吳茱萸 炮

當歸 牡丹皮 赤芍藥

三稜 附子 炮 延胡索

川芎 各參 乾薑 人參

桂心 各半 北柴胡 白朮

鼈甲 醋煮去 厚朴 熟地黄

陳橘皮 各壹

右為末煉蜜丸如梧桐子大每服參拾丸空心溫酒下

煮肝散 治婦人冷勞脾胃虛之大腸轉洩水穀不

化四肢羸瘦口内生瘡不思飲食漸加無力

北柴胡 宿砂仁 蒔蘿

葶撥 各參 白朮 白芷

胡椒 白薑 陳皮

山茵陳 人參 蕪荑仁

木香 紫苑 白芍藥

北細辛 桂心 各半

右為細末以豬猪肝一具去脂膜切如柳葉片以新汲水洗過入葱白叁寸細切入藥末半兩於鉢內以新水貳大盞入鹽醋少許以瓷碗合煮令水盡空心以意食之喫前飲下食後良久飲煖酒一盞為妙晚食前熱服

硃砂煎丸 治婦人冷勞心腹積聚腹脇疼痛四肢

羸瘦不食

鼈甲 醋炙

菝葜 去皮尖

木香

五靈脂 去土炒

當歸 各壹兩

硃砂 貳兩醋壹兩煎成膏

右為細末用硃砂膏為丸如梧桐子大空心溫酒

下貳拾丸

此方硃砂太多不宜輕用

有熱虛勞 大婦人熱勞由心肺壅熱傷於氣血以致

心神煩躁頰赤頭疼眼澀唇乾口舌生瘡神思昏倦四肢壯熱飲食無味肢體痠疼心忪盜汗肌膚日瘦或寒熱往來當審其所因調補氣血其病自瘳矣
薛前證乃壯火食氣虛火煎熬真陰之所致也王太僕云如大寒而甚熱之不熱是無火也熱來復去晝見夜伏夜發晝止是無火也當治其心如太熱而甚寒之不寒是無水也熱動復止倏忽往來時動時止是無水也當助其腎心盛則生熱腎盛則生寒腎虛

則寒動於中心虛則熱收於內竊謂前證若肝脾血
虛用四物參朮肝脾鬱怒小柴胡合四物湯脾胃氣
虛補中益氣湯肝脾血虛加味道遙散肝經風熱加
味小柴胡湯心經血虛天王補心丹肺經氣虛人參
補肺湯肝經血虛加味四物湯木抵午前熱屬氣分
用清心蓮子飲方見雜病赤白濁午後熱屬血分用四物湯
參朮牡丹皮熱從左邊起肝火也實則四物湯龍膽
山梔虛則四物參朮黃耆熱從臍下起陰火也四物
參朮黃檗知母酒拌炒黑五味子麥門冬肉桂如不
應急用加減八味丸不時而熱或無定處或從腳心

起此無根虛火也用加減八味丸及十全大補湯加
麥門五味主之一婦經行不調飲食少思日晡熱
甚此肝脾氣血俱虛用十全大補加山茱萸山藥牡
丹皮麥門五味而瘡次年秋寒熱如瘧仍用前藥而
瘡一婦生育多胎月經不調兩足發熱年餘其身
亦熱勞則足痠痛又年許唇腫裂痛又半年唇裂見
血形體瘦倦飲食無味月水不行此氣血俱衰之證
彼誤用通經丸等藥復傷氣血遂致不起
黃耆散聖惠治婦人熱勞羸瘦四肢煩疼心躁口乾
不欲飲食

虛勞十七
女科三
十七

人參 黃芩 當歸各半

北柴胡去皮壹兩半 黃耆 地骨皮

赤茯苓 麥門冬去心 生地黃

赤芍藥各壹兩 甘草炙壹錢半

右咬咀每服四錢水壹盞薑五片煎六分去滓溫服無時

逍遙散集 治血虛勞倦五心煩熱肢體疼痛頭目

昏重心松頰赤口燥咽乾發熱盜汗減食嗜臥及

血熱相傳月水不調脘腹脹痛寒熱如瘧又主室

女血弱陰虛榮衛不和痰嗽潮熱肢體羸瘦漸成

骨蒸
白茯苓 白朮去蘆 白芍藥

當歸去蘆酒浸半日微炒 北柴胡去苗各壹兩 甘草炙壹兩半

右剉散每服叁錢水壹盞半薑叁片麥門冬貳拾

粒去心煎服不拘時候一方加知母地骨皮

一方薄荷湯下無門冬 一方名人參散治婦人

血熱虛勞骨蒸兼治邪熱客於經絡痰嗽煩躁頭

目昏痛夜多盜汗補真氣解勞倦用人參白朮茯

苓柴胡半夏當歸赤芍藥乾葛甘草黃芩各等分

咬咀每服四錢水壹盞半生薑五片棗貳箇煎至

虛勞十八
女科二
十八

六分不拘時候溫服應有勞熱之證皆可服之熱退即止

子芩散拔粹 涼心肺解勞除熱使榮衛順血不絕

黃耆壹兩 白芍藥 子芩

人參 白茯苓 麥門冬去心

生乾地黄各半 苦梗貳錢

右為麤末先用竹葉壹握小麥柒拾粒水參壹薑壹參片煎至壹盞半入藥末參錢重煎至七分去滓

溫服

知母散聖惠 治婦人熱勞體瘦壯熱四肢煩疼咽喉

不利少思飲食

知母 黃芩各柒錢半 柴胡去苗

生乾地黄各壹兩 赤芍藥 麥門冬去心

射干 川升麻各柒錢半 甘草半兩炙微赤剉

右為麤散每服四錢水壹中盞入生薑半分淡竹葉貳拾柒片同煎至六分去滓不計時候溫服

半夏散全 治婦人熱勞煩渴口乾體瘦無力四肢

疼痛或時寒熱痰逆嘔吐不思飲食

半夏 知母 苦梗

人參 赤茯苓 秦艽

赤芍藥

麥門冬

烏梅肉各半兩

鼈甲醋炙

北柴胡

黃耆各壹兩

大腹皮柴錢半

甘草貳錢半

右為麤末每服四錢水壹盞半生薑參片煎至

七分去滓溫服無時

秦艽散大治血經有熱月脉凝滯五心煩倦

麥門冬

秦艽各壹兩

生地黃

當歸各半兩

地骨皮

鬱金

蘇木各貳錢半

黃芩各半兩

柴胡

右為細末每服壹錢半水壹盞紅花少許同煎

七分溫服若經脉調不用紅花忌酒與熱物此方

可服一年

鼈甲地黃湯補遺治熱勞手足煩心怔忡悸悶婦人

血室有乾血身體羸瘦不為肌肉

柴胡去蘆

當歸去蘆

麥門冬去心

鼈甲醋炙

石斛

白朮

熟地黃酒浸

茯苓

秦艽去蘆各壹兩

人參

肉桂不見火

甘草各半兩

右劉每服四錢薑四片烏梅半箇煎溫服

胡黃連散聖惠治婦人熱勞體瘦經脉不通四肢疼

痛口乾煩渴不得眠臥飲食全少

鼈甲壹兩半醋炙天靈蓋酥炙柴胡去蘆

生乾地黃 地骨皮 黃耆剉

川大黃壹兩剉犀角屑各壹兩胡黃連

當歸 青蒿 黃芩各半

赤芍藥 木香 麝香細研入

右為麤末每服四錢以水壹中盞入生薑壹錢參
分桃柳心各七莖煎至六分去滓不拘時溫服
犀角散聖治婦人熱勞心胸煩熱不思飲食四肢
多疾經脉澀滯

犀角屑 黃芩 甘草炙微赤剉

赤芍藥 虎杖 茯苓

地骨皮 麥門冬去心 當歸

枳殼麩炒微黃 柴胡去苗 紅藍花

鼈甲醋炙去裙

右為麤散每服參錢以水壹中盞入生薑半分煎
至六分去滓溫服無時

紅藍花散聖治婦人熱勞四肢羸瘦經脉不通

柴胡壹兩半 紅藍花 當歸

生乾地黃 赤芍藥 鬼箭羽

虎杖

土瓜根

甘草 炙微赤 半兩

右為麤散每服四錢以水壹中盞入生薑半分煎

至六分去滓溫服無時

鼈甲散 聖惠 治婦人熱勞發渴壯熱四肢煩疼漸漸

黃瘦心胸躁悶

鼈甲 醋炙令黃 去裙襴

知母

赤芍藥

大腹皮 坐

地骨皮

枳殼 麩炒微黃去穢各壹兩

麥門冬 去心

柴胡 去蘆各壹兩半

川大黃 剉碎 微炒

麥門冬 去心 壹兩

地骨皮

黃芩

黃耆 剉

右為麤散每服四錢以水壹中盞入生薑半分煎

白五寸鼓五十粒煎至六分去滓溫服無時

治婦人骨槽勞熱官臟不調因感勞氣子母相傳邪

氣干心非時驚恐如人將捕戰慄不安 楊子建護命方

桑寄生 半兩

鼈甲 醋炙

天靈蓋 酥炙 黑色

木香 壹錢 分半

人參

柴胡 去苗

川芎 各壹錢半

沉香 玖分

右細杵羅為末每服參錢水壹盞煎兩上沸急瀉

出空心忽非時和滓喫
豬肚丸聖治婦人熱勞羸瘦

北柴胡

赤茯苓

人參

黃耆各壹兩

黃連叁兩

地骨皮

木香各半兩

杏仁

鼈甲各壹兩半

右為細末用好嫩豬肚一枚淨洗將藥末入豬肚內以線縫合蒸令爛熟於砂盆內研如膏丸如梧桐子大食前粥飲下叁拾丸午食前再服
胡黃連丸濟治婦人熱勞煩悶四肢黃瘦疼痛時有咳嗽不欲飲食

胡黃連

知母

川升麻

玄參

人參去蘆

當歸

甘草炙微赤

檳榔

桔梗去蘆各半兩

赤芍藥

犀角屑

地骨皮

茯神

杏仁湯浸去皮尖雙

紫苑洗去苗土

川大黃剉碎微炒

秦艽去苗

枳殼麩炒微黃去穰各半錢半

鼈甲貳兩醋炙去裙襴

柴胡去苗壹兩

麥門冬去心焙壹兩半

右為末煉蜜和搗三百杵丸如梧桐子大不計時候以湯飲下叁拾丸

益母草煎丸昔治婦人熱勞煩悶四肢疼痛經脈

滯澀腹脇妨悶不欲飲食升壹

益母草汁升壹青蒿升壹無灰酒升壹

生薑汁升壹童子小便壹升

己上六味於銀器中以慢火熬成膏

柴胡去苗麥門冬去心赤芍藥

棗仁湯浸去皮尖雙生乾地黄

鬼箭羽各壹鼈甲貳兩醋炙人參去蘆

琥珀研細地骨皮 白木

枳殼麩炒微桔梗去蘆當歸各半

麝香貳錢半

右為末用前膏子和搗三百杵丸如梧桐子大食前以溫水下參拾丸

青蒿九聖治婦人熱勞咳嗽肌體消瘦心膈煩熱

夜多盜汗四肢痠痛食少無力

青蒿 杏仁湯浸去皮尖天靈蓋酥炙

鼈甲醋炙黃去裙天門冬去心柴胡去苗

地骨皮 旋復花 紫苑洗去

貝母 人參去蘆 秦艽去頭

葳蕤 黃耆 川大黃剉微

虛勞三十四 女科二

枳殼麩炒微黃去穰各壹兩 甘草炙微赤剉 龍膽草兩

朱砂壹兩水飛過 麝香半兩

右為末入研了藥令勻煉蜜和搗三五百杵丸如

梧桐子大每以麥門冬湯下貳拾丸不計時候

鼈甲丸昔 治熱勞尤佳

河車壹具治法詳見後條 鼈甲壹兩 桔梗

白芍藥 大黃煨 甘草

苦參 貝母 知母

秋石 豉心 草龍

黃藥子 菘木 犀角屑

消石各半兩

右為末以前膏子為丸湯使如前

雞蘇丸板 治虛熱昏冒倦怠下虛上壅嗽血衄血

雞蘇葉半觔 黃耆 苦梗各半兩

防風 荊芥穗 生乾地黃各壹兩

甘草 川芎 甘菊花各貳錢半

真腦子半錢

右為細末煉蜜丸如彈子大每服壹丸用麥門冬去心煎湯嚼下又治肺損吐血且漸乏力瘦弱行步不得喘嗽痰涎飲食不美或發寒熱小便赤澀

加車前子貳錢半每服壹丸煎桑枝湯置下日可
六七服桑枝剉炒香每用水參盞煎至壹盞去滓
下藥

療骨蒸熱五勞六極七傷諸證治已見雜病虛勞門
茲不贅叙婦人致此多因經行胎產或飲食起居七
情重傷肝脾之所致又或失於調攝或過於攻伐而
成與男子治法稍有不同故彙集古今禁方專治婦
人者於此若欲窮其源流更當稽之彼籍
補虛治瘵疾得効方河車丸 治勞嗽一切勞瘵虛
損骨蒸等疾

河車

壹枚初生男子者尤良於長流水中
蕩洗血淨入磁器內重湯煮爛入藥

雪白茯苓

兩半

揀參

壹兩

乾山藥

貳兩

右為細末入河車汁加麪糊為丸如梧子大以少
麝香末為衣每服參五拾丸米飲溫酒鹽湯送下
空心服嗽甚者五味子湯下

十全大補湯

方見雜
病虛勞

治氣血虛熱加柴胡地骨皮秦

芫

補虛退熱潤燥黃耆丸

聖

治婦人骨蒸煩熱四肢

羸瘦疼痛口乾心躁不得眠卧

黃耆

麥門冬

去心

茯神

國朝醫書 女科 二

北柴胡

甘草

生乾地黄 各壹兩

酸棗仁 炒

郁李仁

杏仁 去皮尖雙仁炒黃

枸杞子

人參 去蘆

黃芩 各柒錢半

百合

枳殼 去穰炒

赤芍藥

知母

秦艽 各半兩

鼈甲 真兩

右為細末煉蜜為丸如梧桐子大清粥吞下參拾丸無時候

地黃煎丸 類

解勞生肌進食活血養心

生地黄汁

杏仁汁

生薑汁

藕汁 各伍升

薄荷汁

鵝梨汁 各壹升

法酒 貳升

沙蜜 肆升

右慢火熬成膏入後藥

北柴胡 兩叁

木香

人參

茯苓

山藥

栢子仁 去皮炒研

遠志肉

枳實 製

白朮 各壹兩

秦艽

苦梗 各貳兩

麝香 半兩

熟地黄 洗焙酒

苦梗 各貳兩

右為細末以前膏子和丸如梧桐子大食後甘草湯下貳參拾丸

攻補兼施人參散 普濟

治婦人骨蒸勞身體壯熱手

虛勞

女科 二

三

臂疼痛月水不通日漸瘦悴兩脅氣刺四肢羸弱
腹內塊生時有欬嗽不欲飲食

人參去蘆 鼈甲醋炙黃 柴胡去苗

地骨皮各參 羚羊角屑 赤茯苓

枳殼麸炒微 牛膝去蘆 貝母

栝樓根各貳 知母壹兩 赤芍藥

苑仁湯浸去皮尖雙仁 當歸各柒錢 黃芩

當歸伍分

右為細末每服半兩以豬豬肝一具用鹽醋葱白
各少許和溫酒心食之後飲溫酒貳盞

赤茯苓散聖 治婦人骨蒸及血勞等疾面色黃瘦

四肢無力煩疼痰壅涕唾稠粘不思飲食

鼈甲製如前 赤茯苓 柴胡去苗

麥門冬去心 川大黃剉碎微炒 人參去蘆

木香 苑仁製如前 白朮

瞿麥 赤芍藥 當歸

半夏湯洗七遍去

右為麤散每服四錢以水壹中盞入生薑半分煎
至六分去滓溫服無時

攻積 天門冬九全 治伏連傳注腹中有堅鞭積氣

塞心胸作痺痛引脇背腕膈滿悶

至鬼白去心各半 天門冬去心各半 巴豆

古莽草各壹兩 不蛀皂角各壹兩 葉子雄黃各壹兩

右為細末煉蜜為丸如小豆大每服壹丸漸加至

參拾九空心湯水吞下臨臥一服常宜斟酌勿令

泄瀉忌鯉魚山豬蘆筍

破血劫痰麥煎散類 治少男室女骨蒸婦人血風

攻疰四肢心胸煩壅

赤茯苓各壹兩 當歸各壹兩 乾漆生

鼈甲醋炙 常山 大黃煨

北柴胡 白朮 石膏

生乾地黄各壹兩 甘草半兩

右為細末每服貳錢水壹盞小麥五十粒煎食後

臨臥溫服有虛汗加麻黃根壹兩東坡云在黃州

療骨蒸黃瘦口臭肌熱盜汗極効實此方如希世

之珍

通經破血牡丹湯普濟 治婦人骨蒸經脈不通漸增

瘦弱

牡丹皮壹兩半 桂去蘊皮 木通剉炒各壹兩

芍藥 土瓜根各壹兩半 鼈甲醋炙去裙

桃仁製如前

右麤搗篩每服五錢水壹盞半煎至壹盞去滓温

服空心食後

鼈甲九聖治婦人骨蒸勞月水不通脇下癥瘕往

往腹痛

鼈甲貳兩醋炙黃

土瓜根

桂心

京三稜

牡丹皮

牛膝去苗

川大黃剉碎

訶黎勒皮

琥珀各壹兩細研

菝仁製壹兩

右為末煉蜜和搗三百杵丸如梧桐子大不計

時候以菝仁湯下參拾丸

清肺柴胡散聖治婦人骨蒸勞熱咳嗽胸膈痰壅

腹脇妨悶不欲飲食

柴胡去苗

桑根白皮

麥門冬去心

赤茯苓各壹兩

川大黃剉碎

枳殼炒

百合

秦朮去苗

紫苑洗

黃芩

赤芍藥

知母

木通剉各半

半夏湯洗七遍去滑

甘草炙微赤各半兩

鼈甲貳兩

右為麤散每服叁錢以水壹中盞入生薑壹錢叁

虛勞

女科

分煎至六分去滓溫服無時

涼劑黃連散聖惠

治婦人骨蒸勞熱四體昏沈背膊

疼痛面色痿黃漸漸無力

黃連去鬚

知母各壹兩

鼈甲醋炙

柴胡

木通各壹兩

麥門冬去心

白朮

地骨皮

黃芩

犀角屑各柒錢半

龍膽去蘆

甘草炙微赤

右為麤散每服四錢以水壹中盞生薑壹錢大淡

竹葉貳七片煎至六分去滓溫服無時

青蒿散聖惠

治婦人骨蒸勞熱四肢煩疼日漸羸瘦

青蒿

鼈甲醋炙

柴胡去苗

黃連去鬚

黃耆

桑根白皮

白朮各壹兩

梔子仁

知母各柒錢半

地骨皮

甘草炙微赤

龍膽草去蘆

右為麤散每服四錢以水壹中盞入生薑壹錢參

分煎至六分去滓溫服無時

豬肚丸聖惠

治骨蒸勞唇頰赤氣羸口乾壯熱虛汗

太腸祕澀小便赤黃減食

青蒿

鼈甲醋炙

北柴胡

木香

生乾地黃各壹兩

青皮半兩

虛勞

女科

宣連 貳兩

右為細末以豬肚壹箇洗淨入藥在內縛定蒸令極軟研如泥為丸如菉豆大湯下拾五丸空心日三服忌濕麪毒物

石膏散

靈苑

治女人骨蒸外寒內熱附骨蒸盛之時

四肢微瘦足跌腫者病在臟腑中

真石膏不以多少研極細每用新汲水和服方寸匕取身無熱為度此方非實熱能食大便實者不可服

寒熱並用青蒿鼈甲煎丸聖濟治婦人骨蒸勞退熱

解肌進食

九肋鼈甲

壹箇

北柴胡

貳兩

甘草

杏仁

桔梗

當歸

人參

地骨皮

赤芍藥各壹兩

胡黃連

宣連

各貳錢半

官桂

木香

各半兩

麝香

壹字

酥

蜜

各叁兩

右為細末用青蒿壹觔童子小便五升好酒壹升熬青蒿汁約貳升已來攪去青蒿不用入酥蜜再熬成膏冷後入藥末搜和為丸如梧桐子大每服

十五丸溫酒下米飲亦得日三服如秋後合再入

桃柳枝七莖此藥甚妙即局方人參鼈甲丸也

傳尸天靈蓋散聖治婦人骨蒸勞四肢無力每至

晚間即熱兩頰紅色飲食不下心神煩躁

天靈蓋酥炙 安息香 地骨皮

當歸 人參去蘆 山梔子仁

貝母去心 黃連 桃仁去皮尖雙

檳榔各壹兩 鼈甲醋炙 北柴胡

生乾地黄 赤茯苓 麥門冬各壹兩半

阿魏半兩

右為麤末以童子小便壹大盞桃柳枝各七寸薑

五片葱白五寸藥四錢煎至七分去滓溫服

益母草齊治婦人骨蒸勞瘦月候不通心神煩

熱四肢疼痛不能飲食

益母草 青蒿各貳 桃枝壹握長

柳枝壹握長

已上四味細剉用童子小便壹斗於銀鍋中煎至

參升絞去滓煎成膏

柴胡去苗 赤芍藥 犀角屑各貳

朱砂壹兩細研 天靈蓋酥炙 木香

虛勞

女

三

甘草 各壹兩

鼈甲 製參兩

菝仁 製伍兩

麝香 半兩

右為末用益母草煎都和糯米五七百杵丸如梧桐

子大每以烏梅甘草湯下參拾丸無時

獺肝丸 聖惠 治婦人骨蒸勞熱體瘦煩疼不欲飲食

獺肝 壹具

鼈甲 醋炙

北柴胡 各壹兩

川升麻

桃仁 製

天靈蓋 酥炙

犀角屑

梔子仁

地骨皮

知母 各壹兩

黃耆 半兩

甘草 半兩

麝香 貳錢半

朱砂 壹兩

右為細末煉蜜丸如梧桐子大溫水下參拾丸無

時

殺鬼方 聖惠 治婦人骨蒸傳尸勞瘦鬼氣伏連

麝香 半兩

犀角屑

木香

白木

鬼箭羽 各壹兩

虎頭骨 酥炙

天靈蓋 醋炙

桃仁 去皮尖雙

雄黃 另研

朱砂 各壹兩

右為細末入研了藥和勻煉蜜丸如梧桐子大溫水下貳拾丸此藥辟瘟疫亦可帶

止嗽溫金散 類

治勞嗽

甘草

黃芩

桑白皮

防風

杏仁

人參

茯苓

麥門冬

右前五味以米泔浸一宿曬乾次入人參茯苓麥

門冬三味同為細末每服貳錢水壹盞蠟壹豆大

煎八分食後溫服

一方類

當歸

牡丹皮

白芍

子芩

木通

麥門冬

甘草

細辛

生乾地黃

一方類

調榮衛消瘀血出聲音治痰嗽

調子芩

甘草

右啖咀每服參錢薑參片水煎溫服

一方類

治肌瘦咯血肺痿等疾

蛤蚧

人參

甘草

杏仁

枇杷葉

鹿角膠

貝母

右為細末每服參錢水壹盞入桑白皮溫服

補肺湯

治勞嗽

桑白皮

熟地黃

人參

紫苑

黃耆

五味子

右為細末每服貳錢水壹盞入蜜少許食後溫服

虛勞 女科二 三五

四君子湯加秦苑黃蠟煎服尤妙

治胸痺一方類永 治心胸積氣作胸痺引兩脇痛昏

悶不收音聲不清虛熱上壅作鼻衄

桑白皮分參 枳殼 木通

子芩 生乾地黄 白芍藥

甘草各半

右為麤末每服參錢水煎食後溫服

一方類 治伏瘀血在心肺時作衄心胸徹背痛

白芍藥 牡丹皮各七 生犀屑半兩

生地黄各兩

右咬咀每服半兩水煎溫服

瓜萋湯類永 治胸痺

瓜萋壹箇 枳殼肆枚 厚朴

薤白各壹兩 桂枝壹兩有熱者除

右咬咀水煎溫服

一方類永 治積氣堅硬作氣噎胸脇引背痛

白芍藥壹兩 鱉甲醋炙 枳殼製

北柴胡各壹兩 甘草 赤茯苓各半

右咬咀每服參錢生薑參片棗壹枚水煎溫服

出音聲一方類永 治失聲音

訶子肉

木通各壹兩

甘草半兩

右咬咀水參升煎至升半入生地黄壹合再煎數沸放溫分六服食後日作半料

治喉痛一方類咽喉痛

百藥煎去黑皮

生白礬各等分

硃砂

甘草

右為細末每服壹錢食後米飲調細細呷嚥

已上諸方辰陽李倅傳屢救入甚効服藥止可食淡煮豬蹄肉仍須煮熟肉去元汁再以白湯熟煮仍忌房勞生冷魚腥鹹醃藏等修合前藥忌一切

生人男女猶大雞畜見仍不令病人知藥味太兩効

血風勞

婦人血風勞證因氣血素虛經候不調或

外傷風邪內挾宿冷致使陰陽不和經絡痞澀腹中堅痛四肢痠疼月水或斷或來面色痿黃羸瘦又有因產後未滿百日不謹將護臟腑虛損百脉枯竭遂致勞損久不瘥則變寒熱休作有時飲食減少肌膚瘦瘠遇經水當至即頭目昏眩胸背拘急四肢疼痛身體煩熱足重面浮或經水不通故謂之血風勞氣也薛東垣云喜怒不節起居不時有所勞傷皆損

其氣氣衰則火旺火旺則乘其脾土脾主四肢故困
熱懶言動作喘乏表熱自汗心煩不安當病之時宜
安心靜坐存養其氣以甘寒瀉其熱氣以酸味收其
散氣以甘溫補其中氣經言勞者溫之損者溫之要
略云平人脈大為勞以黃耆建中湯治之 一婦人
勞則足跟熱痛此是三陰血虛用聖愈湯而痊後徧
身瘙癢誤服風藥發熱抽搐肝脈洪數此肝家血虛
火盛而生風以天竺黃膽星為丸用四物麥門五味
芩連炙甘草山梔柴胡煎送而瘳 一婦素清苦勤
於女工因感風邪自用表散之劑反朝寒暮熱自汗

盜汗形氣虛甚其脈或浮洪或微細其面或青白或
痿黃此邪去而氣血愈虛也用十全大補湯二十餘
劑漸瘳又用加味逍遙散兼治半載而痊
人參荆芥散良方 治婦人血風發熱身體疼痛頭
昏目澀心忪煩倦寒熱盜汗頰赤口乾痰嗽胸滿
精神不爽或月水不調臍腹疔痛疝瘕塊硬疼痛
發歇或時嘔逆飲食不進或因產將理失節淹延
瘦瘁乍起乍臥甚即着床

- 人參
- 荆芥穗
- 生乾地黄
- 北柴胡
- 鼈甲醋炙
- 酸棗仁

虛勞

女科

枳殼製

羚羊角 別鎊

白木 各半

桂心

甘草

防風

川芎

當歸 各半

右為麤末每服五錢水壹盞半生薑參片煎至八分去滓熱服無時

地骨皮散 治婦人血風氣體虛弱寒熱發渴

地骨皮

桑白皮

枳殼

前胡

黃耆 各壹錢半

白茯苓

五加皮

白芍藥

人參 各壹錢

柴胡 貳錢

官桂

甘草 各半

右作壹服水貳鍾生薑參片煎至壹鍾不拘時服

地黃煎 治婦人血風勞心忪發熱不退

生乾地黃

熟乾地黃

右等分為細末用生薑自然汁和水打糊為丸如梧桐子大每服參拾丸用地黃湯下或只茶酒醋湯下亦可食後日三服覺臟腑虛冷早間先服八味丸一服不可謂地黃性冷沮洳壞脾太槩陰虛則發熱蓋地黃大能補陰益陰血退熱也 薛云前方肝脾血虛發熱內熱晡熱盜汗作渴體倦筋骨疼痛筋脉拘攣血虛發躁虛熱生痰咳嗽之良

劑若因肝脾腎精血燥熱生痰胸膈痞滿喘咳作渴及一切虛火證必用六味丸為主
乞力伽散良方治血虛肌熱又治小兒脾虛蒸熱羸瘦不能飲食

白木

白芍藥

白茯苓

甘草半兩

右為細末薑棗煎參錢服

大効油煎散良方治血風勞氣攻在四肢腰背疼痛嘔逆醋心不思飲食日漸羸瘦面色痿黃手足麻痺血海冷敗神効

五加皮

川烏炮

芍藥

海桐皮

牡丹皮

桂心

乾薑

川芎

右為細末每服貳錢水壹盞生麻油浸錢壹文同煎至六分溫服常服以油浸貳錢煎藥時不可攪

藥時不可吹

治血風勞方良方

牡丹皮

地骨皮

防風

甘草

黑豆

白芷

白芍藥

荆芥穗

川芎

各壹兩

貳兩

貳錢

右為細末每服貳錢水壹中盞薑參片棗壹箇葱
白壹寸煎至八分溫服無時

馬鞭草散良方治血風攻透肢體疼痛或覺瘙癢

或覺痺麻作寒作熱飲食減味

馬鞭草去梗 荆芥穗 北柴胡

烏梅肉各貳兩 枳殼 白朮

羌活 白芍藥各壹 秦艽

天台烏藥 麻黃各壹兩半 木香半兩

當歸 川烏炮 甘草各壹兩

右為細末每服參錢水壹盞生薑參片棗壹枚葱

白貳寸煎至七分日午臨卧溫服常服無忌有孕

勿服

琥珀散聖惠治婦人血風勞氣臍腹疼痛經脈不調

漸加羸瘦

琥珀細研 白朮 當歸

桃仁去皮尖 赤芍藥各半錢 柴胡去苗

鼈甲壹兩 延胡索 紅花子

牡丹皮 桂心各半兩

右為散每服四錢水壹中盞入生薑半分煎至六
分去滓食前稍熱服

茯神散聖惠 治婦人血風勞氣頭目赤胸背氣壅四

肢疼痛心煩驚悸少欲飲食入玉簪子八分

柴胡去苗

石膏各貳兩

茯神

羚羊角

防風去蘆

赤芍藥

人參去蘆

天門冬去心

獨活

郁李仁去皮微炒

生乾地黄

枳殼麩炒去穢各壹兩

甘草炙半兩

桃仁湯浸去皮尖雙仁麩炒黃研如泥壹兩半

右為散每服四錢以水壹中盞入生薑半分煎至

六分去滓溫服無時

逍遙散神巧萬全方

治血風勞解五心煩躁心多怔忡

恍惚憂懼頭目昏重夜多盜汗

人參

白茯苓去皮

柴胡去苗

白朮炒

黃耆

右各等分為散每服叁錢入甘草壹寸同煎六分

溫服

熟乾地黄散神巧萬全方

治婦人血風勞冷氣攻心腹

疼痛四肢不和食減少日漸羸瘦

熟乾地黄

柴胡

黃耆

蒼朮

牛膝去苗各壹兩

鼈甲醋炙黃貳兩

白芍藥

當歸

薑黃

琥珀

厚朴

去皮薑汁塗炙

川芎

陳橘皮

去白各半錢半

木香

桂心

羌活

各半兩

右為散每服四錢以水壹中盞生薑半分煎六分

熱服

琥珀丸

博濟方

治血風虛勞上熱下冷或發動即心中煩躁困乏無力不美飲食醋心口瘡月水不調

肌肉黃瘁腹痛腸鳴或有氣塊攻衝或時作寒熱頭旋痰逆手足麻痺大宜常服

琥珀

當歸

木香

川芎

防風

檳榔

三稜

炮

乾薑

炮

桂心

各壹兩貳錢半

吳白朮

洗

柴胡

人參

各半兩

青皮

吳茱萸

洗炮

全蝎

炒

附子

炮

草豆蔻

赤芍藥

栝葉

白芷

天麻

桃仁

去皮尖炒

敗龜甲

醋炙

鼈甲

醋炙各壹兩半

右為細末煉蜜丸如梧桐子大每日空心酒下或拾丸午前近晚更進一服如覺燥近晚不須服如腹內塊積攻築於鼈甲桃仁檳榔三稜各加一倍

為妙忌生冷葱蒜菜毒魚等物

鼈甲丸大全良方治婦人血風勞氣四肢羸瘦疼痛經

脈不利飲食無味漸加虛困

鼈甲

紫苑

桂心

川芎

防風

川牛膝

當歸

秦艽

人參

桃仁

琥珀各壹兩

黃耆

赤芍

蝨蟲製

水蛭製

鬼箭羽

白朮

菴活各柒伍分

熟地黃壹兩半

麝香貳錢半

右為細末煉蜜丸如梧桐子大空心食前溫酒下

參拾丸

牡丹丸聖濟總錄治婦人血風勞氣氣塊攻心日漸黃

瘦經脈不行

牡丹皮

郁李仁湯浸去皮各貳兩

芍藥

當歸

芍藥

桂心

苦參

大黃醋炒各壹兩

貝母半兩

右為細末煉蜜丸如梧桐子大每服貳拾丸食前

溫酒下日二名

柴胡丸聖濟治婦人血風勞氣頭目昏眩胸背拘急

四肢痠疼心躁煩熱氣滿腹脹腰膝無力經脈不調

柴胡去苗 黃連去鬚 知母焙

赤芍藥 龍膽 黃芩去由

地骨皮 麥門冬去心 茯神去木

甘草炙各壹兩 檳榔半錢

右為末煉蜜丸如梧桐子大每服貳拾丸溫酒下無時

客熱

大客熱者因體虛而將溫過度外熱加之非臟腑自生故云客熱其狀上焦胸膈之間虛熱口燥心煩手足壯熱者是也薛前證若客邪所侵用補中益氣加川芎防風肝虛血少六味地黄丸胃火飲冷錢氏瀉黃散胃虛飲湯七味白朮散潮熱時熱八珍湯晡熱內熱逍遙散發熱體倦補中益氣湯恚怒發熱小柴胡湯鬱怒發熱加味歸脾湯寅卯酉戌時熱升陽益陰湯大麥門冬散治婦人客熱四肢煩悶疼痛飲食不

客熱

下

麥門冬

柴胡 各壹錢半

黃耆

赤茯苓

桑白皮

羚羊角屑 各壹錢

赤芍藥

生地黄

右作一服水貳鍾生薑參片煎至壹鍾不拘時服

犀角散 治婦人客熱四肢煩悶疼痛飲食不下

犀角屑

赤芍藥

地骨皮

赤茯苓

紅花

人參

枳殼

麥門冬 各壹錢

柴胡 貳錢

黃耆 貳錢半

甘草 半錢

右作一服水貳鍾生薑參片煎至壹鍾不拘時服

黃耆飲 治婦人客熱心胸壅悶肢節煩疼不思飲食

食

黃耆

生地黄 各貳錢

人參

王雷扶神 炒

犀角屑

瓜蒌仁

黃芩 各壹錢

甘草 半錢

右作一服水貳鍾淡竹葉五片煎至壹鍾不拘時服

服

丹砂散 治婦人客熱心神煩躁口乾舌澀飲食無

味

客熱

女科二

四六

客

女

四

丹砂

壹兩 細研

犀角屑

天竺黃

胡黃連

各半

麥門冬

去心 焙

寒水石

細研

馬牙硝

細研 各

鉛霜

半兩

右為細末入研了藥和勻每以竹葉湯調下壹錢

無時

玉露散 治婦人客熱煩渴頭痛痰涌如泉

石膏

貳兩 細研

寒水石

壹兩 細研

右和勻每以生地黃汁調下壹錢無時

生乾地黃丸 治婦人客熱面赤頭疼口舌生瘡心

胸煩壅飲食無味

生乾地黃

壹兩

羚羊角屑

白蘚皮

葳蕤

各半

黃連

去鬚 錢半

黃耆

炙微赤 半兩

麥門冬

貳兩 去心 焙

玄參

犀角屑

地骨皮

炙微赤 各半兩

甘草

炙微赤 各半兩

川大黃

壹兩

右為細末煉蜜和搗二三百杵丸如梧桐子大每

以溫水下參拾丸無時

敗毒散 治婦人客熱四肢煩悶疼痛不思飲食其

者可加地骨皮黃芩

方見雜 病傷濕

香薷散 蘇合香丸 黃芩湯 蘇合香丸
 相火熾則氣散入者 蘇合香丸 蘇合香丸
 氣散木不榮於枝 蘇合香丸
 土香溫脾木嫩寒濕麻痺 蘇合香丸
 川大黃
 甘草 各半兩
 右麥門冬 氣兩去 艾冬
 黃散 蘇合香丸
 白茯苓

寒熱

師尼寡婦附

大經曰陽不足則先寒後熱陰不足則先熱後寒皆
 由勞傷氣血陰陽不調寒熱如瘧也當分氣血虛實
 而治之 薛前症若寸口脉微名曰陽不足則陰氣
 上入於陽中用補中益氣湯若尺部脉弱名曰陰不
 足則陽氣下陷入陰中用益陰腎氣丸若因氣血俱
 虛用八珍湯若因怒動肝火用小柴胡湯若陰陽俱
 不足則氣血不歸其本部以致寒熱交爭也一婦人
 年六十有四久鬱怒頭痛寒熱春間乳內時痛服流
 氣飲之類益甚時有血如經行又大驚恐飲食不進

夜寐不寧兩乳腫脹兩脇欬痛午後色赤余以為肝
脾鬱怒火燥先以逍遙散加酒炒黑龍膽一錢山柅
一錢五分服一劑腫痛頓愈又一劑全愈再用歸脾
湯加炒梔貝母諸症悉愈

大地骨皮散 治血風氣虛時作寒熱或肺熱肉熱

柴胡 地骨皮 各壹兩 桑白皮 炒

枳殼 炒 前胡 黃耆 炒各柒錢伍分

白茯苓 五加皮 人參

甘草 桂心 白芍藥 各半

右咬咀每服參五錢水壹盞半生薑三片煎至七

分溫服

生地黄散 治婦人血氣不調或時寒熱體痛不思

飲食

生乾地黄 北柴胡 各壹兩

木香 桂心 防風 各半

酸棗仁 炒 羚羊角 屑 白芍藥

白木 黃耆 川牛膝

白茯苓 當歸 枳殼 各柒錢伍分

右咬咀每服參五錢水壹盞薑參片煎至七分去滓空心溫服

異功散 治婦人血氣虛冷時發刺痛頭目昏悶四肢無力寒熱往來狀似勞倦並宜服之

烏藥

川芎

苦梗

玄胡索

當歸

陳皮 各壹錢半

宮桂

牡丹皮

芍藥

白芷

乾薑 各壹錢

右作一服用水貳鍾生薑二片煎至壹鍾入酒半盞再煎一上沸不拘時
右三方內有桂唯寒多者宜之第二方無滯氣汚血尤不宜服

七寶湯 治寒熱往來

防風 去蘆

知母

生地黄 各半兩

柴胡 去蘆

秦艸

甘草 炙

前胡 去蘆 各貳錢半

右咬咀每服五錢水壹盞半加入參參寸煎至七分熱服

柴胡散 治婦人寒熱體瘦肢節疼痛口乾心煩不欲飲食

北柴胡

赤茯苓

黃耆

白木 各壹錢

麥門冬 參錢

鼈甲 醋炙 貳錢

人參

地骨皮

枳殼

麩炒

生地黄

桑白皮

赤芍藥

桔梗

甘草 各半錢

右作一服水貳鍾生薑參片煎至壹鍾不拘時服
桃仁丸治婦人頭目昏重心神煩悶或時寒熱肢
節疼痛不欲飲食

桃仁

湯浸去皮尖雙
仁麩炒微黃

芎藭

白木

柴胡 去苗

人參 去蘆

生地黄

酸棗仁 微炒各壹兩

赤茯苓

訶黎勒皮

各半錢

枳殼

麩炒微黃去穢

赤芍藥

各半兩

右為末煉蜜和搗二百杵丸如梧桐子大每以

生薑荆芥薄荷湯下參拾丸

青蒿散

治男子婦人肢體倦疼虛勞寒熱用青蒿

八九月間將成實時採去枝梗以蒿用童子小便

浸三百曬乾為末每服貳錢烏梅壹箇煎至七分

服

右三方熱多者宜之

師尼寡婦異乎妻妾之治

羅劉宋褚澄療師尼寡婦

別製方者蓋有謂也此一種寡居獨陰無陽慾心萌
而多不遂是以陰陽交爭乍寒乍熱全類溫瘧女則

為勞嘗讀史記倉公傳載齊北王侍人韓女病腰背
 痛寒熱眾醫皆以為寒熱病治之不瘥倉公曰此病
 得之欲男子不可得也眾曰何以知欲男子不可得
 倉公曰診其脉肝脉弦出寸口是以知之蓋男子以
 精為主婦人以血為主男子精盛以思室婦人血盛
 以懷胎夫肝攝血者也是厥陰肝脉弦出寸口上魚
 際則陰盛可知故知褚氏之言信有謂矣

天師尼寡婦與室女出嫁愆期者多因欲心萌而不
 遂懨懨成病乍寒乍熱久則為勞又有經閉白淫痰
 逆頭風膈氣痞悶面黧瘦瘠等證皆寡婦之病也

薛前證若肝脉弦出魚際用小柴胡加生地黄送下
 生地黄丸久而血虛佐以四物湯若兼怒動肝火
 而寒熱者佐以加味逍遙散若兼虧損肝經而寒
 熱者佐以八珍湯若兼虧損元氣而寒熱者佐以
 補中益氣湯若兼鬱傷脾氣而寒熱者佐以濟生
 歸脾湯一婦人因夫經商久不歸發寒熱月經旬
 日方止服降火涼血藥反潮熱內熱自汗盜汗月經
 頻數余曰熱汗氣血虛也經頻肝脾虛也用歸脾湯
 六味丸而愈嘗治兼證既愈而寒熱不衰當仍用本
 證藥一婦人年三十有七早孀居兩腿骨作痛晡

熱體倦月經不調或發寒熱數年矣一日頸項兩側
結核兩脇脹痛此係肝經鬱火而成也先用小柴胡
湯合四物數劑肝症頓愈又用加味道遙散加澤蘭
乳香沒藥三十劑血症漸痊再用加味歸脾湯年餘
而安一婦婦兩腿作痛或用除濕化痰等藥遍身
作痛而無定處此血症也不信乃服流氣飲之類而
破一放出官人年四十餘臀腿肉股作痛晡熱口
乾月經不調此係肝經血少不能養經絡而然也宜
加味道遙散加澤蘭葉五十帖諸症稍緩又以歸脾
湯二百餘劑而痊一放出官人臀腿腫痛肉熱晡

熱惡寒體倦咳嗽胸痞月經過期而少彼以為氣毒
流注服清熱理氣之劑益甚此肝經瘀血停留所致
蓋肝經上貫膈布脇肋循喉嚨下循膈內贛繞陰器
抵少腹主治之法但當補其所不勝而制其所勝補
者脾也制者肝也經曰虛即補之實則瀉之此定法
也彼不信仍服前藥遂致不起

本生地黄丸 許學士治一尼患惡風體倦乍寒乍
熱面赤心悸或時自汗是時疫氣大行醫見其寒
熱作傷寒治之用大小柴胡湯雜進數日病急召
予診之三部無寒邪脈但厥陰弦長而上魚際宜

服抑陰等藥故製此方

生地黄

黃兩

柴胡

秦艽

黃芩

各半兩

芍藥


壹兩

右為細末煉蜜丸如桐子大每服叁拾丸用烏梅湯吞下日三服不拘時

惡寒

大婦人惡寒者亦有陰陽二證發熱而惡寒者發於陽也無熱而惡寒者發於陰也發於陽者宜解表脉必浮數發於陰者宜溫裏脉必沉細又有汗後利後惡寒及背惡寒已上疾證方治並載百問不復繁引僕嘗治一婦人但惡寒別無他證六脉平靜遂用敗毒散而安此藥能去表中風邪故也經云惡寒家慎不可過當覆衣被及近火氣寒熱相薄脉道沉伏愈令病人寒不可過但去被撤火兼以和表之藥自然不惡寒矣婦人惡寒尤不可近火寒氣入腹血室結

聚針藥所不能治矣。薛前證若怠惰嗜臥，洒淅惡寒，乃陽不能伸發，用升陽益胃湯。若勞傷形氣而惡寒，乃無陽以護衛，用補中益氣湯。若飲食傷脾胃而惡寒，乃元氣虛損，用六君子湯。若加煩躁妄言，或欲飲水，仍進前劑，但加薑桂。若體倦煩渴，頭痛自汗，用補中益氣湯，加五味、麥門、東垣云：晝則發熱，惡寒是陰氣上益於陽分也；夜則惡寒，是陰血自壯於陰分也。海藏云：六月大熱之氣，反得太寒之證，當捨時從證，治以薑桂之類。丹溪云：久病惡寒，乃痰鬱於脾，抑遏陽氣，不得外泄，治當解鬱。



Kitasato Memorial Medical Library

